



<County: Durham>

<Code: L1005>

<MS reference: Durham, Durham County Record Office, D/Lo/F 322>

<Text: Commissioning agreement>

This endenture made betwene Thomas of langton~ of Wyneyard and Thomas Rose vicar~ of Meryngton~ of yat ane *partie* and John Todde Wryght Robert Todde of lanchestr~ & nicol hayforth of Duresme of that oþer *partie* beres wyttenes yat ye forsaide John haues vndurtakyn~ for til make of newe rayse and fully ende wele & sufficiantely with sawyng & all *maner* of worke & thinge3 to wryghcrafte *pertenant* excepte tymbre & cariage of it & Jrynwark A+crosse <ill><1 word, smudged></ill> to the halle of the forsaide Thomas of langton~ at wyneyard with vj Cupple of poste3 ilka couple beande fro othir xj fete coman~ of a+man with an entr~ vndurneth to ye kechonⁿ w^t an entre close wall ouertwart in þe myddes of ye forsaide chambr~ abouen And ij *preueys* to the forsaide chambr~ accordant *eftur* ye avyse of ye forsaide Thomas of langton~ whilke chambr~ ^[sufficiantly sette in<?> sele-trees Rabet & dight in alle *partie* to be plasterede] with all ye forsaide *appurtenant*3 in all werkes & thynges before-saide wele & trewly to make & fully ende all redy to the thekyng be the feste of seint Petre callede Aduincl^a nexte for to come *eftur* ye date of thir *present*3 endentur~ ye forsaide John@ *grantes* & be yir *present*3 endentur~ hym faste bynde3 swa yat in ye defaute of tymbr~ ne of carying of it he be noght tariede ne lettede / for makyng of whilke chambr~ entree *per* close+wall & *preueis* in alle thynges in ye fourme before-saide wele & trewly to be made raysede & endede ye forsaide Thomas & Thomas to ye forsaide John~ . vj . li of gude lawfull Inglyssh money sall paye & a gowne outhir of hys awne or of ye seute of his 3omon~ that is for to say when he begynnes to wyrke xl s when the worke is halfe made <hole in parchment> when he begynnes to rayse xx s And when the forsaide chambr~ is fully made & endede in ye+forsaide fourme xx s to ye whilke *payement*3 of ye forsaide money in the fourme beforenamede wele & trewly to ye forsaide John or to his *certeyne* attournee to be made the forsaide Thomas & Thomas & ayþer of thaim be thaim selfe Joyntely & seuerally be thir *present*3 endenture3 faste byndes yaim yaire heires & executours / And to all and til ylkane of ye couenant3 beforesaide on ye *partie* of ye forsaide John in ye *manere* & fourme beforenamede wele trewly & sufficiantly with-uten fraude or gile to be haldyn~ & in all thynges to be fullefillede / ye forsaide John



Robert & nich~ be yir *present* endentures faste byndes yaim
and ylkane of þaim be yaim selfe Joyntely & seuerally in ye hale to ye forsaide Thomas and Thomas
in . vj . li of sterlinges to be paied to ye forsaide Thomas
& Thomas or to outhir of yaim yaire heires or executours or to yaire certeyne attournee in ye feste of
seint Michel Archangell nexte forto come eftur ye date
of yir *presente3* endenture3 withouten~ langer delay / Swa be yat ye forsaide John on his *partie* fulle
in ye couenant3 beforesaide or in any of thaim in ye manere
& fourme before expressede In ye wyttensse of whilke thyng to thir *presente3* endenture3 ye
parties abouen-saide entrechaungeably haues sette yaire seals Gyffyn@
ye laste day of Januer In ye 3ere of ye kyngdome of kyng henry fifte efter ye conquest of England
<gap> secounde